



Na osnovu člana 16. stav (2) tačka x) Odluke o izvršavanju Budžeta Općine Novo za 2026. godinu („Službene novine Kantona Sarajevo“ broj: 1/26) i člana 8. Pravilnik o uslovima i načinu ostvarivanja prava na dodjelu sredstava za mobilnost mladih Općine Novo Sarajevo („Službene novine Kantona Sarajevo“ broj: 4/26), Općinski načelnik Općine Novo Sarajevo, raspisuje

JAVNI POZIV za dodjelu sredstava za mobilnost mladih Općine Novo Sarajevo

I PREDMET

Predmet ovog Javnog poziva je dodjela sredstava za mobilnost mladih u 2026. godini, s ciljem pružanja podrške mladima sa područja općine Novo Sarajevo. Pravo na dodjelu sredstava mogu ostvariti osobe u životnoj dobi od 15 do 35 godina, uključujući pojedince, učenike i studente koji se nalaze na redovnom ili vanrednom školovanju u osnovnim, srednjim i visokoškolskim ustanovama, nezaposlene mlade osobe, aktivisti, članovi i volonteri nevladinih organizacija, pod uslovom da ispunjavaju kriterije iz raspisanog Javnog poziva.

Pod pojmom "mobilnost mladih" smatra se učešće mladih na:

- regionalnim međunarodnim edukacijama, radionicama i seminarima;
- regionalnim i međunarodnim konferencijama i kongresima;
- kratkoročne i srednjoročne posjete u svrhu rada na projektu/istraživanju ili uspostavljanju saradnje na realizaciji projekata od značaja za lokalnu zajednicu;
- stručnom usavršavanju/praksi;
- regionalnim i međunarodnim školama koje promovišu neformalno obrazovanje, volonterizam i humanitarni rad;
- takmičenjima iz oblasti formalnog obrazovanja i kulture;
- studijskim posjetama u cilju razvoja regionalne i međunarodne saradnje među mladima.

II VRSTE TROŠKOVA KOJI SE FINANSIRAJU

Sredstva namijenjena za mobilnost mladih dodjeljivat će se isključivo za finansiranje sljedećih troškova, ukoliko iste ne snosi organizator aktivnosti:

- prevoz (autobuske, avionske ili druge putne karte);
- kotizacija (troškovi učešća na edukacijama, radionicama, seminarima, konferencijama i sl.);
- boravak (organizovani smještaj i ishrana) i
- vize.

Ovim sredstvima neće se finansirati troškovi putovanja i učešća u aktivnostima vezanima za političke subjekte u i van Bosne i Hercegovine koje organizuju domaće i inostrane političke stranke ili druge organizacije.

III VISINA SREDSTVA KOJA SE DODJELJUJE

Maksimalni iznos sredstava u jednoj godini, za jednu osobu iznosi:

- do 200,00 KM za putne troškove, troškove kotizacije i boravka u svrhu aktivnosti koje se odvijaju unutar Bosne i Hercegovine;
- do 400,00 KM za putne troškove, troškove kotizacije i boravka u svrhu aktivnosti koje se odvijaju u zemljama regiona: Hrvatska, Srbija, Slovenija, Sjeverna Makedonija, Kosovo i Crna Gora;
- do 600,00 KM za putne troškove, troškove kotizacije, troškove boravka, troškove vize, u svrhu aktivnosti koje se odvijaju u svim ostalim zemljama.

IV KRITERIJI ZA DODJELU SREDSTAVA

Pravo na dodjelu sredstava mogu ostvariti pojedinci, učenici i studenti koji se nalaze na redovnom ili vanrednom školovanju u osnovnim, srednjim i visokoškolskim ustanovama, nezaposlene mlade osobe, aktivisti, članovi i volonteri nevladinih organizacija uz ispunjavanje sljedećih uslova:

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za obrazovanje, kulturu i sport

tel: (387 33) 492 188, fax: (387 33) 492 341, email: obrazovanje@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.

- a) da su državljani Bosne i Hercegovine, sa navršenih 15 do navršenih 35 godina starosti;
- b) da imaju prebivalište na području općine Novo Sarajevo najmanje jednu godinu dana prije podnošenja prijave na Javni poziv za dodjelu sredstava;
- c) da imaju poziv za učešće ili potvrdu o učešću u aktivnostima u kojoj je navedeno da organizator ne snosi troškove (prevoza, kotizacije, boravka i vize);
- d) da je uredno opravdao dodijeljena sredstva u prethodnoj budžetskoj godini.

Pravo na dodjelu sredstava kandidat može ostvariti samo **jednom u toku jedne budžetske godine.**

V POTREBNA DOKUMENTACIJA

Podnosilac prijave dostavlja sljedeću dokumentaciju:

- a) prijavu na Javni poziv na svojeručno potpisanom Prijavnom obrascu NS-OB-329;
- b) opis troškova za koje se traži finansiranje;
- c) uvjerenje o kretanju (ne starije od 6 mjeseci) dostavlja se na uvid Komisiji za odabir i bit će vraćena podnosiocu prijave po okončanju procedure;
- d) poziv za učešće ili potvrda o učešću organizatora u aktivnostima koje obuhvataju pojam „mobilnost mladih“ iz ovog Javnog poziva (član 2. Pravilnika o uslovima i načinu ostvarivanja prava na dodjelu sredstava za mobilnost mladih Općine Novo Sarajevo), u kojem je navedeno da organizator ne snosi troškove prevoza, kotizacije, boravka ili vize (član 4. istog Pravilnika);
- e) potvrda o redovnom školovanju za učenike i studente;
- f) podaci o bankovnom računu za aplikante bez navođenja JMB građanina, a za maloljetne aplikante – bankovni račun roditelja/staratelja, bez navođenja JMB građanina.

Za maloljetne kandidate prijavu podnosi roditelj/staratelj, a sva dokumentacija dostavlja se u odnosu na maloljetnog kandidata.

Dokumentacija, ne starija od šest mjeseci od dana predavanja prijave na Javni poziv, se podnosi u originalu ili ovjerenj kopiji. Dokumentacija iz odjeljka V tačka d) ovog Javnog poziva se može dostaviti i u vidu elektronske kopije originalnog dokumenta, ne starije od šest mjeseci.

VI ROK PRIJAVLJIVANJA

Rok za predaju prijave na Javni poziv počinje teći narednog dana od dana objavljivanja Javnog poziva na službenoj web stranici Općine Novo Sarajevo. Javni poziv ostaje otvoren do utroška sredstava, a najkasnije do **15.12.2026. godine.**

VII NAČIN PRIJAVE NA JAVNI POZIV

Prijava na Javni poziv dostavlja se na Prijavnom obrascu NS-OB-329, sa kompletnom zahtijevanom dokumentacijom u zatvorenoj koverti, putem protokola Općine Novo Sarajevo tokom radnih dana (ponedjeljak-petak) ili preporučeno putem pošte, na adresu:

**Općina Novo Sarajevo
Zmaja od Bosne broj 55
71000 Sarajevo
Bosna i Hercegovina**

sa naznakom:

**„za Komisiju za odabir korisnika - JAVNI POZIV
za dodjelu sredstava za mobilnost mladih Općine Novo Sarajevo – NE OTVARATI“**

Na koverti mora biti naznačeno: puno ime, prezime i adresa podnosioca prijave na Javni poziv.

Prijavni obrazac NS-OB-329 nalazi se na web stranici i u šalter sali Općine Novo Sarajevo.

VIII NAČIN ODABIRA KORISNIKA

Odabir korisnika sredstava vrši Komisija za odabir korisnika koju imenuje Općinski načelnik (u daljem tekstu Komisija). Komisija se sastoji od tri člana i jednog zamjenskog člana, koji su uposlenici Općine Novo Sarajevo. Prijave kandidata koje ne ispunjavaju sve formalne uslove iz Javnog poziva ili koje se ne odnose na aktivnosti koje će biti finansirane neće biti uzete u razmatranje.

Komisija zadržava pravo da ne dodijeli sva raspoloživa finansijska sredstva u slučaju da podnesene prijave ne zadovoljavaju zadate kriterije.

IX OBAVJEŠTAVANJE PRIJAVLJENIH KANDIDATA

Komisija obavještava kandidate koji nisu ispunili uslove Javnog poziva o razlozima nerazmatranja njihove prijave. Na ovu obavijest Komisije moguće je uložiti prigovor Općinskom načelniku u roku od 5 (pet) dana od dana prijema obavijesti.

Općinski načelnik, na prijedlog Komisije, donosi zaključak o odobravanju isplate sredstava.

Sa korisnicima sredstava kojima su dodijeljena sredstva sklopit će se ugovor o namjenskom utrošku sredstava u roku od 30 dana od dana predavanja prijave i za isti su dužni u roku od 30 dana od okončanja aktivnosti, a ne kasnije od 15. januara naredne godine dostaviti narativni i finansijski izvještaj o utrošku dodijeljenih sredstava, sa pratećom finansijskom dokumentacijom. **Prihvataju se samo oni troškovi koji su nastali nakon potpisivanja Ugovora.**

X OSTALA PITANJA

Sve dodatne informacije vezane za Javni poziv mogu se dobiti svakim radnim danom, putem telefona: 033 492 187 i 033 492 188 ili e-mail adrese obrazovanje@novosarajevo.ba.

Dostavljena dokumentacija neće se vraćati podnosiocima prijave po ovom Javnom pozivu.

Broj: 16-11-3-1524/26
Sarajevo, 20.02.2026. godine



OPĆINSKA NAČELNICA

Prof. dr. Benjamina Karić

